

曝書亭集附

笛漁小集

二十

詠
琴
船
琴

PDG

笛漁小橐卷第六

秀水 朱昆田 西瓊

途中和答張闇成六首

故人一半飄長翮
惟我卑飛劇可憐
帖地只應隨燕雀
嬾將短翼刺青天

年來意氣撻消磨
窮達其如有命何
翻怪當年王處仲
唾壺擊缺尚高歌

牀頭有蝸真堪畏
案上多蠅取可憎
願我狂如浣花老
每思赤脚踏層冰

長途最喜得良交
酒分詩情特地豪
君本有才過屈宋
我應無目短劉曹

張郎筆力能扛鼎
跋扈飛揚冠一時
今日看予避三舍
始知

文陣有雄師

滿地江湖發興新浮家只願學玄真會當一掉黃塵首常作
烟波自在人

題青溝朴上人小影三首

千林紅綻三光杏十里青排五粒松他日相尋半山路畫圖
約略記雲峰

山厨夜火蒸黃獨野菜春風長豆苗間倚長松無一事靜看
日影過溪橋

薊北埃風日日吹沙塵黃不到山茨分明歡喜阿羅漢傳寫
龍眠李伯時

題蔡中允早朝圖二首

紅珠帳煖翠衾香初試温磨豆蔻湯門外馬頭風細細又馱

殘夢入宮牆

十二銅街漏水催玲瓏鬢子挽慵來自從朶殿簪毫後無復閒情詠玉臺

題梅定九山居圖

白雲攔斷峰腰路紅葉斜開嶺上門酒一千緝書万卷只留老友住山村

戲題嫦娥折桂圖

十分圓月暈微黃桂樹婆娑影漸長笑折花枝踏濃露夜涼親自覓吳剛

送蔣上舍歸里二首

鞍背船唇漸不支涼宵有夢戀東籬何如鄉里開冬學老作兒童句讀師

愁裏匆匆送子行，蹇驢整躡片帆輕。
村南村北相尋便，恨我還家計未成。

與庾齋話別用無亢韻二首

還往無人溫卷生，秋風又作苦辛行。
酒邊三日遲君去，雨雨風風最有情。

面槁心灰鬢髮殘，家書猶自說平安。
世間未有窮如我，莫作尋常敗舉看。

送幼鯤遊嵩山四首

錢郎才氣真無敵，萬里秋旻鷹隼橫。
此去學書并學劍，底須淡墨榜題名。

我曹面目寒如鐵，豈有熱官相往還。
不學乞兒爭向火，自應僵臥老空山。

紛紛凡肉飾華鞦伯樂難逢死即休莫怪馬房諸廝養眼中
原不識驂騮

君向嵩山結草亭亭前三十六峰青惟携一把金鴉嘴日日
松根采茯苓

和王清遠西城別墅詩十三首

石帆亭

峯如巾子高亭比艇子窄不因五兩風常挂一片席肯學湖
海人換柁騎浪脊

樵唱軒

朝樵斧丁丁暮樵擔納納樵風一以送樵唱互相答欲尋樵
子語前路白雲合

半偈閣

千轉陀羅尼八念阿那律盡祛文字煩半偈了可畢午夢曲
尺牀春浮影入室

大春軒

蜉蝣葉底飛螻蛄草間語不知大春年乃有八千許軒中著
書人上與蒙莊侶

雙松書塢

塢間所移松恰得杜陵半枝垂鸛鵲踏花落鼯鼯竄安得宏
偃筆對之寫直幹

小華子岡

平岡路透迤下上可登陟割來鞞川圖寸寸皆秋色泉流小
草中瀼瀼鳴不息

小善卷洞

洞戶深窈窕石扇生苔衣習坎行有尚肥遁心所希偶持松
炬火亦有蝙蝠飛

春草池

謝公春池上草與水色同語鴨菰葉裏睡鵝苗香叢有時明
月夜閒擲釣魚筒

三峰

華山有兒孫江郎有兄弟小大雖不齊削成亦具體亭亭三
朶峰一一露華洗

嘯臺

公子洵逸羣抑揚研嘯旨擁膝坐層臺泠泠風入耳乃知自
然音絲竹非所擬

石丈

車前望塵趨堤畔埽門謁何如呼石丈下拜具衫笏願學狂
米狂惜此百鍊骨

竹迳

綠玉萬餘个一迳風脩脩移來墨王亭喚作瀟灑侯課童埽
蛀粉延客煨貓頭

綠蘿書屋

書庫在城北書屋在城西薜蘿風裊裊綠映書籤齊何年突
相訪朱墨翻標題

為新城夫子題畫

竹枝鉤鏤水洄灣枯木查牙巨石頑不學吳裝徒斌媚天然
老硬似荆關

送悔人兄還楚

穎兄別我去，歸卧楚江烟。
飯熟長腰米，魚肥縮項鱖。
高堂雙望眼，才子十差肩。
樂事家庭得，超然謝俗纏。

壽黃封公六首

當年七聚早，牽絲定武薨。
盤擊荔支盡，說涪翁。
有家法，輕紅句並少陵詩。

一從左宦下天津，素雪千堆白。
豚銀七載西沽佐，鹽筴何嘗顛。
顛似靈均。

蠻花狔鳥遍荒陬，佐郡曾為萬里遊。
日酌靈泉一杯水，至今深箒有歌謳。

本朝遼左比南陽，大邑分符綬。
縮黃瀕海人家半，漁捕催租不用下村莊。

關東魚美不論錢，土菌綿黎味更鮮。
難得懸弧恰長至，幽歌

聲裏瀉瓊船

玉堂官燭樺烟輕才子思親隔鳳城佇見雙鳧飛闕下六街
同聽漏琤琤

三月十五夜濟南道中遇雪同澗芳賦

來注齊州熟似家村旁古路認三叉風顛久擘千絲柳春老
還飄五出花入壠無聲滋小麥舞空有力戰飛沙晚登舜子
城樓去白玉堆中看離華

鍾聖與招諸同人泛舟大明湖八首

蘆筍齊抽碧玉簪柳垂長線水拖藍郭中到處通遊舫除却
江南便濟南

三分春色已過二湖上風光倍可憐縱使鍾郎無酒榼也須
終日恣洄浴

家家湖面築平堤界畫分明似卦畦
雇得藕夫先放水一年一換種花泥

湖邊亭榭搃荒涼惟有韓家竹
遶廊試問主人緣底事不安
牕子只安牆

人生笑口劇難開經歲良遊僅此回
一事尚然餘悵望敲冠不見趙三來

謂豐原也

李杜遺蹤半有無惟餘歷下一亭孤
怪他後輩輕前輩又作天心水面呼

自從邊李登壇後若箇詩才迴絕倫
休說邇來名士少諸君已是濟南人

同游諸人皆先後流寓

山水齊州信足誇山多藥草水魚鰕
稻田半頃如容買便借臨湖館作家

過臨淮

病卧驟肩六尺輿飯糲餅大客嗟歎今朝喜向臨淮過一把
銅錢買鱸魚

贈宋山言三首

小宋詩才勝小蘇共驚文采似於菟他時修史燒官燭畫苑
應添半臂圖

龍文百斛筆能扛高築堅城受我降悔不從君經歲住花時
同倒鬪雞缸

灘石稜增嶺險巖珠江重到鬚如絲較量一事應輸我五月
堆盤噉荔支

上九江郡守叔

九派烟江接蠡湖潯陽風物儘堪娛蓮花擬結東西社羸髻

遙看大小姑謝客近多池草句阮咸許入竹林圖官廚脫網
鮒魚美到此令人懶問途

梅心驛書所見

兩兩相攜女伴行鳳陽花鼓寂知名笑他也學羅江怨對客
低頭作慢聲

同心蘭花

濯枝小雨灑珠江並蒂蘭抽白玉缸未見崔徐勻粉墨空憐
屈宋賦薜茱黃蜂背蕊偏成對

國香譜載蜂采他花俱口銜足感惟蘭蕊以背負之

錦蝶尋香

也作雙天末消魂是孤客幾回護惜拓紗牕

初食新州荔支色香味已變戲成二律

蘭湖雨遇發南颺未噉新州蠟荔支翠籠分裝纔幾日冰盤
竟擘已過時多情莫厭徐娘老赴約須知杜牧遲西蜀酸甜

小紅顆也曾撩得少陵詩

輕紅挂綠早登盤自笑新來量漸寬當暑寂能消客夢飽嘗
幾度廢中餐設如蚶子紋還皺核比丁香結乍乾漢主不知
三日變空今變微遞長安

再食新州荔支色香味無損疊前韻二首

十八雲鬢趁曉颺竟將圓類染燕支芙蓉邏入濃烟裏翡翠
虛當細雨時

芙蓉邏翡翠虛皆嶺南地名

樹底珊瑚垂子重園中烏雀繞枝遲

本草荔支熟時人若未采則蟲鳥不敢近一經攀摘蟲鳥竟集故土人必于日中采之

蜀山閩海知難及玉局仙人

屢賦詩

珠露灑灑荷折盤嫩涼消暑客愁寬官齋閒許諸孫住香荔
拚教恣意餐椰酒滿瓢殊少味蔗漿迎節易中乾何如頓頓
嚼瓊實藥竈無煩砌下安

初食新州荔支以色香味已變湯寓憾詞夜來重噉
風韻劇佳已疊前韻二首再賦一律為十八娘解

嘲

楊梅盧橘為先驅細感紅羅裹玉膚七聚未須誇玳瑁兩川
何必重珍珠謾將西子輕唐突亂寫明妃入畫圖嗤點傾城
吾甚悔頓教人說是儂吳

七夕

盼到秋河絡角時露香風細慰相思素娥凝恨成遙妒是夕天陰無月
靈鵲多情赴好期暮雨又留來歲約愁機重織斷腸詩別離
情緒難消遣只有雙星脈脈知

七夕後一日

掩袖傾囊怯早秋河邊灑淚雨初收風筵乍寫經年恨夜帳

新添一段愁金井有時桐葉墮碧天無語杼聲幽懸知万頃
星灣畔妒殺鴛鴦睡插頭

雜鸚鵡

慧禽生小已嬋娟好似邊鸞画裏傳薄薄香唇緣食啓纖纖
素趾動人憐芳林暗妒鴛調舌綺閣偏憎燕比肩只為聰明
絆鈴索羨他野雀性靈全

諸葛武侯銅鼓歌為家中丞賦

建興三年春三月丞相奉命揚王廷白旄黃鉞左右列曲莖
孔蓋高亭亭羽葆鼓吹各一部前後導擁將皇靈更有虎賁
士六十軍裝劍佩聲玲玎

裴松之三國志注詔賜亮金鈇鉞一具曲
蓋一前後羽葆鼓吹各一部虎賁六十人羣蠻

梗化常事耳遣將亦足征殊庭何為重煩元老出注燭無異
輸滄溟若曹若孫均漢賊曷不告廟行天刑豈知純臣有長

算根本之地須先寧國家盡無南顧慮乃可北出施雷霆況
此四郡寂雄富幪寶賤縹堆蠻洞欲令輸誠出供億能不整
旅搖旂鈴丞相仍服儒者服綸巾羽扇升輕輅遂于五月渡
瀘水黃茅瘴雨瀾滄嶺初時羣蠻尚鴛鴦紛紛屯聚秋田螟
狼獾烏猓率異類猗猗狔攬偕獠狔吞蛇啖蜥齒牙黑跨犀
騎象容顏頽深林密箐竄伏易往來跳擲追飛徒篋篋削竹
染毒草鑿鐵蘸刃磨霜刃設奇制勝賴丞相鞭扶六甲驅六
丁從來王佐有神授此術出自陰符經豪渠指顧就束縛麋
奔鹿駭狼顛暝擒之縱之如是七輸誠歸命無稽停群蠻擊
跽獻方物背負銅鼓行伶俜比之于鐘製短縮方之于磬音
磬泠華人共詫目未覩非錚非鐸非叮嚀鈕也出晉語粵稽史冊始
東漢伏波鎔寫神駒形西南諸尼寂寶此戰伐祭祀爭撞釘

當其冶銅鑄初就設食名客烹禽猩鈎藤之酒滿缸貯男女
雜選羣撩矜項珠圓碾海贏敲頭髻亂插山雞翎黃銀白金

釵股重持以扣鼓傾鬟聽留遺主人不將去傾刻攜拾盈奮

餅管也樹陰恣飲各半醉呶哇欵猥歌吟吟筒拍長腰響鞞鞋

葫蘆短頸吹瓏玲筒拍鼓葫蘆笙皆變人樂器胡音泊其聲恚赴此鼓節一酣累

日何曾醒自從羅拜獻大漢牛車牽載辭鈎町丞相製作極

天巧行軍甌釜搏新型坎離水火一以濟不用炊煮師飽饑

埋藏往往鬼呵護此鼓獨立千餘齡何時流傳入南粵輦致

幕府青熒熒中丞於今文武特碧幢紅籀臨丹冥勞心填撫

已四載至誠直可通圓宴七十二風應候至三十六雨隨時零

生黎寫岐胥向化馬人蚤戶從使令乃於暇時出此鼓八扇

盡拓紅窓櫺紫黎四旁斲作架碧綿九股按為縱高齋槌擊

韻吟鞞亭午日射光矚吟摩抄兩手拊其質良久絕不聞銅
腥我聞古器厚者贗似此堅薄難摹削厥高四尺徑三尺一
一穿剝蝸蟻涎天然盡作臘茶色色分子午殊嫫媿其餘諸
色咸遜此砂斑翠綠苔花青鼓心如日圓且滑炎焰四散輪
艷艷蠻書誕怪了難讀筆墨茫昧徒留銘雲雷泉紋逐層繞
大小碎乳排萍星又聞赫連昔曾鑄塗金飾以黃廉魏歐陽
顏亦屢貢獻紹興祕閣誰其聆未若此鼓号諸葛湯盤孔鼎
同流馨器即不佳人可重何況神采飛燿燿作詩渾忘氣力
弱三錢軟筆揮蚶蛉

笛漁小橐卷第六

笛漁小橐卷第七

秀水 朱昆田 西峻

題秋原放牛卷二首

眷角常懸一縹壺
花村草市酒堪沽
每思細雨溟濛裏
寫作騎牛第二圖

寂憶秋田秔稻香
催租吏不到村莊
閒跨烏犍尋鄰叟
橫笛歸來已夕陽

七月十四夜立秋二首

我本悲秋客天涯
怯素秋吳根縈夢寐
海角又勾留
暗砌風梧脫涼蟲
露草幽一丸
明月上隔座
好探鈎

未得消摩力

杜蘭香謂丸藥為消摩

俄驚節序催涼蟾
明夕滿新鴈
一繩

來但織縑愁緒
流螢撲老苔
不須燒樺燭
共倒白瓷杯

題天女散花圖

尺三汗脚踏紅埃夢裏難逢優鉢開我亦年時頻示疾只無
天女散花來

題水墨羅漢卷

龍眠遺跡總茫然意態看來似老蓮如此阿羅生面好擬攀
東絹乞君傳

題四時寫生折枝圖四首

嫩蕊絲香煙霧團黃蜂白蝶繞雕闌自憐一別三三徑花朶
經年畫裏看

嶺外常留倦客居海花蠻草寂愁予筆頭能帶江南色大小
三黃也未如

折枝叢艷寫新圖試看南唐有此無勾染儘教誇院體懶勾

朱粉再三塗

南唐画院有折枝畫豔圖但工勾染而少氣韻謂之院體

小白長紅風露零好呼
花匠詩閒庭何時一縷茶烟外
拗取鮮枝插膽餅

閏七夕

又趁秋宵月一弦停梭
搖珮踏涼烟新愁暗數三千刻
良會難逢十九年

自壬子閏七夕至今已十九年矣

莫管黃楊經厄減儘教烏鵲把河

填曆家七夕如頻閏拚與支機作贈錢

佛手柑

彈指無心學趙州越娘
纖手摘來柔腕邊乍脫珍珠釧
掌上

堪懸茉莉球

粵中每茉莉開時摘取其花以織縷繫結成球或挂釵頭或懸帳底焉

天女散花因問疾

時子疾猶

未麻姑搔背恰逢秋武皇內傳留遺事也擬良宵剖玉鉤

五色鸚鵡三首

奇姿惜未載禽經番舶凌濤度紫溟麝幃護寒遮蚤雨玉籠

流影入倭屏九苞丹穴雛公羽五色羅浮蝶借翎羅浮山有蝴蝶洞洞中產五色

蝴蝶其翎大如扇休說綠朝雲語巧採蘭志載河間王琛有妓朝雲善歌有綠鸚鵡善語朝雲每歌則鸚鵡和之遂呼鸚鵡為綠朝雲

未如時樂鳥偏靈西陽雜俎載唐明皇時有五色鸚鵡越性靈張燕公表賀稱時樂鳥

孔翠應慚品格低獨憐万里只單栖梧桐葉底輸么鳳豆蔻

江頭妒錦雞金縷含愁歌夜月綵衫凝恨舞晴霓秋涼莫道

思歸字貞觀時林邑進五色鸚鵡每言苦寒思歸其聲清怨才子爭拈翠管題

妙舞蹁躑似麗娟紫絲吸蕊綺牕前越嵩有吸華絲凡華著之不即墮落用以織錦入貢漢武以賜麗娟

作舞衣春暮舞于花下落蕊滿身謂為百花之舞啄殘紅豆愁無語按罷霓裳態可憐神女

韞羅三素繞仙姝裙褶百華全天生艷質須珍重野鶩家雞

莫鬪妍

嶺南述懷寄澗芳四十韻

失意三秋後沉憂百疾攻由來多瑁璫只為遇冬烘衫色猶
青草霜威逼紫濛藥方終日檢酒債幾時空漸獲漫苓效麓
收麴蘖功新黏牕紙密深築地爐煇矮炕溫磨火羸軀血脈
融瓦甌糜夜煮髹椀乳朝桐稍稍交游集欣意氣通旅顏
從此豁酒聖有時中越嶠書初到燕臺歲已終衰須重拊
擋行怪太空惚遠別親朋惜離懷父子同自非負次骨安用
忝如蓬腸斷三叉路神飛一畝宮遷延過上巳筆墨戰羣雄
莫訝人皆醉渾疑世盡齷腰圍原似沈鬢髮已悲逢覽鏡愁
無極當筵恨亦充我嘗嗟計拙君又歎塗窮遂結悽惶伴低
跨蹇蹉躒杪春辭冀北十宿抵齊東塵拂齋前榻羈拔廢上
駘誰華雲滃滃趵突雪濃滾壠上罩山雉湖邊擷水蕙井梧
光黯淡堤柳影籠葱小墩栽亭菊涼棚縛海稜丁香開瑣細

翠尾茁薑蕨鶯粟花千瓣雞頭竹數叢院心碁膈膊簷底鳥
惺惚競把長箋擘爭誇句子工杯傾金鑿落曲奏玉玲瓏絳
蠟燈猶焰驪駒轡又攏村醪嘗棗麥土銜苦惛惛驛路黃梅
雨江程白蔣風沂灘驚退鷓踰嶺怯啼狻夾岸榕陰綠連村
荔子紅五羊仍作客四度月呈弓才子頻搖管新詩寄滿筒
天涯思聚散吟和絡絲蟲

汲古堂前紅梅秋日吐花和青叔韻

三八瑤姬酒興闌臨風醉倚玉欄干霞痕入曉光欺杏脂氣
迎涼韻勝蘭不逐冷香春日夢愛分秋夜露珠團絳紗衫裏
肌如雪莫作濃花豔蕊看

滄浪子看桂

盡捲湘簾十二行閒園日似小年長青瑤枝綴金鵝碎紅木

枰敲玉子涼竹下酒杯思舊侶

謂澗芳
驕叔也

亭前粉蝶撲鯨香南湖

此際笙歌沸暗想儂家綠雨莊

綠雨莊在南湖上有桂四株
大皆合抱開時游人最盛

狸奴歎

我讀狸奴歎不獨歎狸奴芸生自茫昧遂謂天地無孰知有
定分冥冥衡毫銖嗜欲焉可縱口腹焉可逾先正誕告誠一
一存盤盂昔者帝縉雲有子雄牙鬚每食恣饕餮竄逐不與
俱至今敦鼎上鎔寫留形模穢物充肥腸適足戕爾軀奈何
後來者對案猶睚眦狸奴於毛羣類狀如於菟捕鼠乃專責
報蜡紛神巫倘年不順成牲酒徹椀壺空餐尸厥職誰容逃
其辜苟為肆偷竊罪大誅難逋官園廳宇曠狸實繇有徒銜
蟬上樹枝探雀蹲枝柢藥闌撲蝴蝶蕙塢擒螻蛄巧伺綠鸚
鵒亂踏紅氍毹搖尾翻盃碟潛身入庖廚夏踞光滑簞冬偎

温燉爐叫呶夜逐隊跳擲晨引雛飽即占藤整倦即眠花塢
一任鼠陸梁敲文籍衣襦青箬裏晶鹽聘爾何為乎買魚穿
細柳因歎涪翁愚我亦致其一欲保殘書圖昏黃每逸去飢
則不待呼稍稍加束縛縛急聲豪麓終宵攪客枕鼠輩爭掀
掀比聞東齋北玉缸水盪盪小魚數十頭白碧青黃朱三尾
短顚頰銀沫相吹呶炎方足蚊蚋更畜四靈夫翠茸將紫鬣
其樂真于于忽遭老狸虐食肉先食腴磨牙澤口吻惡嚼園
南隅嚼嚼意未厭旦旦猶窺覩往注騎牆頭自朝至日晡急
思乘間躍將躍偏踣踣人前故回翔反若無所須昨日日午
時一線注清壚偶噉菘蘭葉味勝濃屠蘇興酣遂高眠禍機
動須臾詩人惡之甚趨結不受拘爰張牙稍弓爰抽金僕鐸
壹發洞曾臆垂斃還奔趨快事洩衆憤有笑無嗟吁狸固不

足惜但惜孤矢汙有虎伏林莽有蛟蟠江湖有饜噉禾苗有
羶啖雞豬亦有跋扈狼亦有大觜烏亦有兩頭虺亦有九尾
狐由來剪貪殘貴在窮根株

中秋前一日飲東園桂花樹下即事

三載不到此景物忽改觀霜風披炎州秋半暑已殫亭前桂
花發一榻亭中安綠鬢綴金粟意態何珊珊粧臨淶水鏡袖
倚翠竹竿紅蕉亦娥嬈開傍卍字闌檉柳姿嫵娜柎影團
圓弄晨光熹微搖暮烟霏霧橙移細雨後枝綴黃木難菱雞
啼池蕩穀犬嗥沙蘘層層粵王臺飛閣晴流丹名園割勝地
暇日陪清歡醞傾倭漆盃鱸疊哥窯盤枸櫞指信屈郭索臍
尖圍匕抄筠葉醬匙香桃花酸轟飲不知醉為樂非一端較
戶戰兩軍鬪句登高壇伯仲二叔氏朗朗雙明玕書羊真孔

草詩孟澹李寬弱毫握珠瑁古墨磨躬桓每當文字飲不畏
觥籌攢香羸鯨吸呷粉紙蛇糾蟠矯矯天馬駒逸足難遮攔
半酣氣磅礴競脫蕉紗爛玉籠飲言鳥銀鏞追翔翰汲泉洗
雲根乳竇探霞掇開權放孔雀珠尾搖髻跚行疲蒼苔滑坐
怯石磴寒靜聆山水音有似湘瑟彈改席賭圍碁屢敗醜屢
乾巢遑鳥漸歸墻角日已轡青蘋發涼颺戛戛吹箴籥遙天
鋪藍羅飛上白玉丸還期續雅集趁此桂未殘

衡圃車駕視權粵海久之不至昨聞已抵三水喜賦

二律

黃塵六月去京師万里蠻江得到遲天末故人凝望眼篋中
幾卷續新詩鷓鴣聲裏山如画橄欖村邊雨似絲可惜使車
來較晚未逢荔子出園時

自別君來入瘴天天邊月子六回圓吳魚嶺鳥沉鄉信藥裹
繩牀送好年笠澤草荒垂釣碣浣花詩乞築堂錢須知不負
當時約一笑狂奴又放顛

寄宋山言

歸心久逐檳榔水客淚新濺浪蕩花開篋看酬東浦句

謂梅人兄也

尋僧知鬪北藍茶詩圖筆陣逢今雨畫棟珠簾賦落霞剩有
梅根坑石好異時携贈注蟲鰕

題洋畫二絕句

樺皮盖屋島中間水面鷓鴣挂小鐸蔗酒滿螺人醉後蹋歌
騎膊覓登山

海外山川入画圖笑他潑墨總模糊筆踪纖細渾如髮宋織
看来得似無

中秋東園宴集分韻得弓字

節物珠江揔不同四時花發一園中桂枝尚未飄黃雪荷葉
猶堪飲翠簫茶譜細翻蝴蝶局射棚小試鳳凰弓

是日於園中
弈射以賭酒秋

來寂數斯游樂坐着蟾光上碧空

又得河字

不用香茵盛舞羅清沽如濟濁如河衝簾歸燕飛雙剪裂藻
游魚擲亂梭粵秀山頭雲玉葉滄浪亭外月金波世間兒女
團圓日客裏淒涼醉裏過

英石硯山歌

英州之石竅巉巧大逾數丈小一拳園亭几案入清矚爭購
豈復論金錢于中小者更難得其值往往同珠璣土人潛行
恣剝掘沂錦流水投靈泉

放翁老學菴筆記英州自鐘
山涉錦溪至靈泉乃出石處

上中二品盡箴

匿惟將下品充門廛我游南粵已三載
遍買不獲心悄悄平生託志在巖穴
所嗟二頃無良田小山湖石漸頽落
亂草沒徑苔封峯歸未終月出累歲
回思故岫曾煩煎廿年行役似萍梗
推蓬委轡看山川高峰巨嶺不暇上
深澗絕島何由浴力微況乏濟勝具
每遇登涉翻遷延九州先後踏其六
更歷河濟江淮壩經由名勝指可屈
雲烟過眼恒流連向平婚嫁尚未早
安得洞府追潛仙三神五岳料無分
一丘一壑還思專耳聞目見亦已夥
試隸石事書長牋到公奇礪石丈六
當

時輸送華林前歐公菱溪有石二至今
屹立梅花邊

菱溪石在滁州醉翁亭梅花側其梅則歐公手植也

錢唐龔氏舫齋畔玉玲瓏刻宣和年

玉玲瓏宋花翎石也上刻宣和年月

書家北米劇好事良鄉巨石留荒阡

房山有奇石立巖麓米仲詔欲

并進石人姓名今在龔衛國主事家致之勺園中重輪十駟百夫曳之凡十二日始達良鄉力竭而止因卧之田中緣以周垣覆以葭屋

凡此數石我盡覩筆不能画

言能傳其餘一一有載記更為具述辭囉噀奇章一品衆客
詫有道二字良工鑄玉清昭應發硯礪文饒詩句劔蒼堅壺

中九華在湖口百金歸買留詩篇

東坡題壺中九華有百金歸買小玲瓏之句

屏風三疊

号肘後二者謂可齊跟肩

湖口鄒生以三石折疊為屏風山谷題為肘後屏風以配壺中九華焉

涪翁此語

定不謬所惜奇物終沈湮仇池雙石尤足寶韓幹二馬差相

權躡師子與睡鷗鷺仲恭堂外曾羅駢襄陽袖中次公攫自

後不笑元章顛東京苑內疊艮岳花石綱運行連連險怪萬

狀割羣玉竒詭百態縈洄漩奔馳惟恐稜角損孔洞恚用黃

泥填更和膠土裹其外烈日曝令乾而圓麻筋百道細束縛

千夫喘汗紛扛牽李曹百絕咏初就

艮岳初成徽宗自作記命李質曹組各為賦一篇并咏百絕句事載揮

塵錄金人裝載歸幽燕

今京師瓊華島石皆宋之艮岳石也

更有筆山亦神品白石一

點明峰巔銘裁赤壁賦中句御書小字形適妍

宋廣濟庫有靈璧石筆架徽宗御書

山高川小水落石出八小字於背

武林故事兩奇石南極北斗分星躔

武林故觀堂內漆厨中龕二石

一有星似南極一有星似北斗

公謹小有洞窈窕

小有洞天弁陽周密公謹家所藏石也

遜叔平遠巒迴旋

錢遜叔家所藏

黃州怪石堪作供前蘇後宋為收甄

西坡宋先生判黃州時獲石十六各

以形象名之而繫以贊文筆說麗借未見其石也

詩人到處手摩弄廉吏歸去帆飄翩文紀

取壓鬱林舫休映搬入西陵船中丞粵裝誓不治清德洵足
逾前賢邇來有客贈一石自云得自鍾山俗胡桃殼皺紋理
蹙彈子窩小繩絲穿水痕希褶秀莫比聳身拽脚平無偏首
尾向背盡合法嵌空峭拔由天然坳窪未須窺末刷纖細何
用魚膠聯形模雖微氣勢闊眾峰朶朶芙蓉鮮凌晨霏霏帶
峽霧際晚裊裊飛江煙磬山田採合退後林慮坑產慚居先
羅浮匡廬妙比擬詩成日未移三甄七言五字各據勝麓吹
塤和聲相宣我家舊蓄寶晉石一峰華蓋如撐天翠巒玉筍

鬪翠岁月巖一片光嬋娟方壇妥帖若碁局龍池津潤疑珠

淵下洞三折通上洞水注成瀑空中懸寶晉齋研山圖說詳載陶九成輟耕錄中常時

匣之甸漆合數兩裹以吳蠶綿百年累葉遮相保珍重不顧

黃金千按圖來索靳勿與寧使玉碎無瓦全豈知收藏稍未

密和璧終為秦人捷研山一旦不復見室中故物惟青甕當

年此石去海嶽蟾蜍清淚流涓涓米南宮有硯山不復見哦詩徒歎息惟有玉蟾蜍向余清泪滴一絕茲

來英石且難得令我萬里長思愆君子寓意不留意此語能

使痼疾瘥太湖山石搃蚰蚘宋時一武臣申牒論太湖石云此件石蚰蚘不堪用亦可一結瀟

灑緣搜奇挾異興已懶人生所貴無拘攣巧偷豪奪請勿慮

比來我意同枯禪

對雨遣懷和韻二首

風雨蕭蕭打翠櫺梧殘蕉敗不堪聽心存千里驥伏櫪恨隔

層霄鶴剪翎倦客愁拚雙鬢白空齋魂怯一燈青何時斫竹
支層架枯蚌然油照小舲

溪南茅屋掩荒苔有夢恒從熱處回經歲故園無信到一箒
新鴈送愁來驅寒夜進蕉三葉壑藥晨傾粥半盃天末多情
惟措措似憐憔悴為頻開

晚秋雜感四首

定武蘭亭墨榻輕學書愛就紙牕明龍頭鎗內酒初熟鵲尾
爐中灰漸平歸羨斷雲排鴈字愁聽落葉攪蟹聲燕吳兩地
無消息旅況今番已飽更

漸噉紅蓮飯半升夾衫初試鵲紋綾吟邊落日山一桁客裏
望鄉樓五層事逐江波流浩浩病如僧骨瘦稜稜手中書卷
全拋棄小幟無煩障蠟燈

晚來仙鼠撲虛簷香噴戲金嚙鎖蟾冬冷驅寒須紫桂夜涼
遮霧下黃簾依茶經次看魚眼抄藥方多禿兔尖恨殺年華
如逝水頷間已白數莖導

短髮新來不滿簪官齋景物我能諳迎冬葉脫羣山出向夕
風收萬籟含朱橘分瓢香細細綠蘿裊月影氈毳醉鄉不用
尋王績一枕還家夢取酣

六言絕句十六首送青叔北歸

楊柳青歸沙岸葡萄綠漲珠江畫鷁漫催疊鼓鬪雞且倒深

缸

惜別江淹作賦思歸王粲凭樓剛剩一分春色又添兩地離
愁

三日水邊多麗翠葉斜侵髻脣江上晚來風起遶檣燕燕留

人

烟暝鷓鴣聲急雨昏豆蔻花開船似畫中行去酒從村尾沽
來

蠶子舟輕似葉細鱗網得香鱸搖櫓粵娘問客可有桃花米
無

鳥語鞦韆格磔蠻詞欸猥阿邠翻就竹枝短調試教持檝人
歌

舟行十里五里岸上千山萬山峽雨峽雲陣陣江花江草斑
斑

水驛鴛鴦波暖山程躑躅花紅江口尚拖青雀嶺頭先驟香
駘

塵外亭前灘密鬱孤臺下江清試看長年捩柁真如老將行

兵用夢村
詩中語

三月尾多烏信算程已至南昌怕有拋車雲起須尋余大娘

航唐時西江客船惟
余大娘航最大

官亭乞得如願安穩分風渡湖向晚雨香雲膩留客大姑小

姑

江魚日夜西上江水日夜東流七十二鱗無恙十三行字緘

愁

皖口波連浦口東梁山對西梁曾記昔年歸路蕨肥筍美魚

香

十二紅樓佳麗淒迷斷草荒烟獨有秦淮湖上至今猶放燈

船

良夜二分明月香風十里珠簾杜牧正當年少揚州好夢厭

厭
到日鵲華橋畔一家游比烏衣更喚酒邊舊侶藕花深處
飛

讀青叔北歸集戲書一絕

小長干畔小停舟江上多情是石尤見說春光在桃葉自無
好夢到揚州

魚梁晚望

風卷濃雲送雨還陰崖豚柵已先開行人歇馬魚梁店斜日
尚留山外山

經嚴陵釣臺下作

未信綸竿天半垂高風自足動人思娶妻難得梅福女求友
悔結劉欽兒

光武為南頓
今欽之子

七里山花明躑躅一灘烟水沒鸕鷀臺

西誰擊竹如意問著土人都不知

笛漁小橐卷第七

笛漁小橐卷第八

秀水 朱昆田 西峻

赤烏松二十韻同張超然龔蘅圃高查客聯句

惠山寺東南有松蒼然立昆田近與山爭高遠共增相揖

百尺乃結頂翔麟長身戴圓笠不騫石楠杉柏桐厥勢那得

及昆田遙遙一舍外凝望無停楫遠茲來約游朋際曉寺門

入翔麟言尋小僧寮竹壓荒徑溼不騫紅白花參差遠淺深

水浴漣磴帖卵箇箇昆田嶼迸角觚觚牆危古蔓絡翔麟亭

偏香節葺昆田天風何處來頭上聲颼颼不騫角聳鱗之而

昆田乖龍老不螫翔麟山僧前致辭此樹志郡邑遠種自吳

赤烏昆田證古發藤笈閱歷年歲千不騫經過喪亂廿昆田

不為勢家奪翔麟寧許樵斧執遠嗤彼岱宗坳蒙秦大夫級

昆田吁嗟華蓋山誰復見五粒不寫愛此螭螭姿烏鼠亦翔

集翔麟盤桓日亭午遠始去躡恒岷不寫

送查浦入都

平生諸故人盡作金閨彥惟我名未成四十尚貧賤時時縫
征衣頓頓食破硯愁腸輪九迴傲骨剛百鍊叩門無曲拜對
客之佞面常懷磨滅刺不理生熟卷因之與俗迕七試七不
薦鬚黃枯似草衫碧黯於靛先生本高才交友徧畿甸秋風
屢遭斥乃與我同傳掉頭辭名場兩載臥鄉縣園蓬船互挈
無事數相見小槽壓村酒得醉頭脚旋狂吟每抱膝倦臥時
側弁租田約耦耕仕宦焉足羨朝來忽過我云欲赴文戰無
錢辦行裝脫典細君釗年來壘畝心翻然又一變丈夫當雄
飛未可守荒喫邀我同脂車而我興已倦自從離京華歲月

如抹電紅塵夢不縈白髮親最戀何能違高堂對食不下嚥
況思人海中亦復少強援豈堪倚市門晚以醜自銜先生盍
少留茅舍羅小餞三升傾畫榼一斗糴青蜺禾中蜺以斗量買謂之糴雲泥從
此分臨別情眷眷且秧魚半池更咒雞一線謝雞一線作一羣見戴復古詩集寄語
湯與楊吾其老漁叟謂西崖希木也

送海鹽李明府入覲

賢侯才氣絕世無超超逸足天馬駒妙年香名動紫路百里
再見分銅符赤城之霞滿廳事種花又徧鷓鴣湖武原瀕海
号劇邑案多訟牒租多逋侯來治繁若治簡衙清惟酌水一
盃諸鄉土風一朝變千村秔稻爭先輸堂鼓牆天不改作松
杉百柱紛支吾寬民之財息民力馨鼓久息羣歡愉晝簾常
垂靜無事齋中只有絃與壺冷金宮牋試古墨硬黃舊榻臨

官奴近聞 詔書訪循吏節府交薦飛雙鳧我來送侯侯飲
我了頭之煙巨口鱸坐間出示詩二首如百二十圓勻珠玉
鞭三尺裊冰雪春前便可歸 皇都 天子用人方不次況
侯才地尤魁殊上馬能執丈二及下馬筆陣排千夫梭櫛別
殿一白對會見威鳳停高梧口呵硯冰作長句句法定笑劉

又唐

題寫山樓主人墨梅二首

墨梅舊數楊補之今看尺幅橫一枝盡刪海棠百絕句寫山
樓有無聲詩

冷蕊疎枝色斬新鮑夫人合管夫人問君嫵媚何能爾莫是
羅浮夢後身

題喬無功餉烏圖

白田烏尾畢逋舍彼菀集於枯辛苦覓食哺其雛雛生翅勝
乾朝飛暮宿歡相呼老拳忽遭雲隼擊惡口又被林鴉誣鳳
凰百鳥王絕不明區區拘烏入雕籠不令飲啄栖江湖羽毛
離褫形影羈孤淪精雪窖喪魄煙蕪啞啞雛悲鳴南飛返故
都銜土壘爲墳口瘡血模糊異哉孝感庭中烏一日三匝繞
堊廬炊香菰滿盤孟餉烏烏反哺見之雙淚迸落如圓珠祝
烏父子好相守尉羅畢罨隨地鋪嗟嗟白田烏良工慘澹寫
作圖此圖畫院從來無

題汪無亢松陰濯足圖二首

文陣雄師銳莫當交游海裏放顛狂人間無地堪容汝來試
松風六月涼

兄弟平分上下回嬾尋九陌踏風埃看君淨洗紅塵脚笑入

尊鱸小社來

題汪無已秋林讀書圖二首

南船北馬廿年餘，頭白慵開夾注書。
羨爾秋鷹雙眼細，不令故紙飽蟬魚。

粟馬紛紛作好官，荒林誰肯小盤桓。
讀書原是君家事，況值

秋楓葉又丹

祭酒先生有楓林圖景曾屬題

題沈厚餘侍兒索句圖

沈郎秀句近來多，風貌還能敵阮何。
他日相逢五亭畔，當筵須喚雪兒歌。

題郎與賢多麗圖五首

文人武士載連車，把筆彎弓盡不如。
戰罷鐵衣才却却，又鋪匹練草軍書。

一榻橫眠不據鞍
腰間革帶十圍寬
疑君面有封侯骨
拂袖如何便去官

漫說佳人絕世無
繞身一一是名姝
更看意氣麤豪甚
滿耳

金鑲立固姑

胡姬也見元
卿碧牌詩

我見猶憐未可期
別裝金屋貯蛾眉
看牛車塵尾須更
樣莫似王郎見事遲

鍾乳金釵興未忘
溫柔鄉勝白雲鄉
人生樂事無如此
不羨朝韉趁曉霜

贈巖星如

昔子居保陽
俠氣凌朱郭
快意輕千金
久要重一諾
傾貲嫁老女
仗劍赴朗約
我時聞子名
襟契願相託
攬環恨未能
遠在天一各
我宗高唐公
相士比良樂
持節撫南州
攜我莅炎

惡招子屢致書三請乃不却飲食同杯盤居處共門闌椰子
命深斟賓郎勸小嚼一當清暇時往往合絃酌賓主無嫌猜
節序有酬酢花前肆吟誼燈下縱蒲博酒邊籌縱橫亭上茶
脂腠歡然兩相得豈復歎寂寞我狂子則狷玉石互磨錯聚
首無幾何一旦遂分索我方困棘園子亦就蓮幕陸機為州
民緣實天所作衙清但飲冰暮夜金不攫昂然對上官焉肯
獻諛嚙我心益重子於職了無作禾中再判袂彈指更歲籥
金陵重合并相顧但貽矐齒髮俱變衰田園各零落低心謀
糗飧俛首受羈絡每因今艱辛始悔昔揮霍籠鳥想歸林池
魚思縱壑不久當別離進子苦口藥仕途真險巖百事須忖
度

贈顧渭符四首

入世人人似走珠骨經百鍊只寒儒顧郎自是難衣食莫為

天寒便解襦

用南史
顧協事

征衫留得淚痕斑詩酒新來膽不秣猶喜相逢作吳語一燈
如豆話鄉關

歲暮春初動客心鄉愁如瘡日相尋不因葉子終宵戲官舍
難禁漏鼓沈

已分為農畢此生每思黃草鞵輕夜航一緬煩君寄只向
南鄰北舍行

嘉定出草鞵
最宜暑月

閏月朔日偶成

作客偏逢閏鄉心似酒濃魔多添嚙語金盡駐愁容室有噉
噉口書稀短短封思憂尚無暇一任笑乖慵

海棠歎五首

并序

珍珠泉有海棠數株大皆合抱開時如張紅雲之幔去書室
咫尺而花時無過之者朝來至園中落紅如雨傷物生得地
而有時不遇賦以志感

佳人墮空谷顧影長太息寂寞海棠花誰憐好顏色
名花生得地其奈反蕭索春風十日中自開還自落
傾國非無色消魂亦有香雨中醒蝶夢風裏斷鶯腸
點點飄紅淚紛紛蓋綠莎春陰那可乞春事已無多
白白與朱朱繇華滿田里如何絕世姿不若閑桃李

寄張鶴洲先生六首

九陌抽身廿載餘晚年心事託樵漁縱教寓客寬新令也返
成都葺舊廬

鞍背船脣子細諳曾陪游屐半江南篋中剩有蠻牋好字小

渾如未浴蠶

橙木成陰竹放梢園翁溪叟日論交有時送客柴門閉一卷
丹經手自抄

只今錦里稱耆舊獨有先生似散仙未必邦君皆俗吏不知
誰送草堂錢

紅魚蒼鴈杳難通又得清談對阿戎忽憶高郵湖上泊滿天
兵火話川東

青衫白髮走黃塵別後猶然食舊貧聞說浣花田易買欲依
杜甫作南鄰

題楓江漁父圖二首

儂已全家上釣船一枝斜笛趁涼煙畫圖輸與先生好蘆白
楓丹十月天

馬蹄也怕踏黃埃
枝初漁衫稱意裁
儻欲尋人撻細漿
不妨遠喚阿咸來

題汪樸畫

蔽日梧桐百尺餘
濃陰一片補芭苴
愛他物外多閒日
老屋荒山讀道書

題雪中山茶畫扇

凌冬百卉盡飄零
開處常愁素雪停
最好溫磨乳爐畔
一枝紅插硯頭餅

萊襦叔席上觀樂同禹平卓崙賦五首

齊童明豔勝吳童
小部團成數月中
絲竹愔愔歌細細
回頭一笑軟塵紅

管脆絃么拍板清
雍熙樂府譜新聲
歌喉一索明珠滑
恰似

春三自在鶯

一片燈光接劍光錦衣玉貌並登場西河妙舞應如此合在
公孫弟子行

酒邊歷歷試歌脣惟有文郎更絕倫暗裏時時作眷語回應
狂煞瘦腰人

謂潤
劣也

幾日頻逢舊酒徒衝筵不待屢招呼更須妙選丹青手畫作
花間按樂圖

借水村育齋南歸初出齊州塗次口占

依人慵作客結伴且還鄉灑酒無勞勸山程分外長離離麩
麥熟細細棗花香指點停車處荒林戀夕陽

張夏

市井蕭條甚殘黎尚保居租苗催轉急粟廩散成虛轅釜分

鄰飯迎門止客車呼童買麋肉一飽虎狼餘

陷灣泉

陷灣泉畔相逢處舊事思量已四年今日籃輿同過此青袍
如草各淒然

過任城

故人爲政地不到已三年東國游重續南池夢久懸遠攜窮
伴侶來讀好詩篇八牖仍封閉還遲下水船

題趙子固水仙

西堂時展玉丫叉冰雪人看冰雪花好似夢迴人醒後燈昏
留影在牕紗

贈眼醫方叟

年來銀海倏生花牕下觀書似霧遮好乞金鑱刮塵膜此生

還欲盡三車

爲水村題采桑美人二首

底須結網網西施陌上偏多絕世姿
恍似春當三月半女兒
溪上見來時

如此雙飛蛺蝶何
昵人裙摺撲春羅
自從一月單栖後
怪殺田家禁忌多

采桑女

采桑女清且妍
盈盈纔十五
鬢髮初覆肩
生長村舍中
不識黛與鉛
新春買得流年圖
把蠶最好惟小姑
吳蠶三眠復三起
紮山看火屋角呼
采桑女采桑宜及時
采多畏葉乾
采少憂蠶飢
蠶不飢齊上簇
三日山頭繭如犢
小繭作絲光比銀
大繭作絲軟勝茵
城中美人學歌舞
羅綺成堆視如土
霜風

獵獵十月寒采桑女兒衣仍單

調育齋二首

日長門巷雨昏昏不把征衫拭淚痕臨到孝娥碑背字第三
隱語最銷魂

倭墮鴉鬢勝越娃夢餘髮滑溜金釵怪君鑄鐵真成錯不乞
紅羅繡鞞鞣

午日過夏鎮聯句

一朵紅榴插鬢新

育齋

當牕瞥見柁樓人征衫乍換含風葛

西陵

客舫輕分貼水蘋已悔七年淹海國

水村

又逢五日過

河澹

育齋

遙思競渡招菱女

西陵

畫鼓填填細漿勻

水村

夜發新開河聯句二首

河畔月初上

水村

舟行風定時年凶憂盜賊

西陵

客倦厭奔

馳濁酒長鉸罄

育齋

孤衾瘦骨支桃源在何許

水村

頻起問

篙師

西峻

草蟲鳴斷岸

西峻

夜色轉蒼涼埃遠宵沈柝

水村

提高影沒

檣愁攻鄉夢短

育齋

老畏客塗長輪與沙頭鷺

西峻

無心覓

稻梁

育齋

瓜步阻風聯句

正擬張帆行

水村

江豚拱鬚鬣船頭愕篙師

西峻

船尾噤漁

妾千堆雪浪卷

育齋

一片墨雲壓偃岸草靡靡

水村

摧檣風

獵獵急收木蘭槳

西峻

退入荻花夾厄脫江面寬

育齋

力競

汊口狹纜髮尚掀簸

水村

碇下乃妥怙諛如菟合圍

西峻

謹

若兵戰捷縛柱支危篷

育齋

拭艙整亂篋煙中望金焦

水村

兩點翠注睫遙遙矚鐵甕

西峻

齒齒排粉堞開頭失前猛

育齋

齋放脚鼓後怯樹顛彈風鳥水村沙際拾石蛙言尋瓜步城

西峻游覽性所愜問途款門門育齋對客語喋喋叢篠遮重

關水村斷港喚小舸迎神匝闌闌西峻填路軋肩脅士女紛

倚觀育齋樓閣遞相接徑尺攏高髻水村扶寸露香髹擲金

衫攢花西峻罨畫裙簇蝶豈乏窈窕姿育齋所惜粉浣頰迴

舟穿綠楊水村涼氣透白袷叩天牋一通西峻憑易著四摺

畫爻得既濟育齋詰朝庶利涉因歎廿年來水村爾我落塵

劫燕市擊短筑西峻齊門撫長鉞空嗟鬢雙蓬育齋賸有裝

一葉獨行笑狼狽水村共命比鷓鴣懷歸心方殷西峻水陸

旬已淡醺酒勞長年育齋亟起勇持檝水村

丹陽觀競渡聯句

客舟疾於鳥帆受好風送西峻行穿丹陽城悅入小有洞水

村羣雞叫花籬亂犬吠柳街育齋沿流伐畫鼓匝市張錦幪

西峻水面龍爭嬉舡側漿齊弄水村葉葉朱旗翻扇扇白羽

狂育齋蜿蜒牙角奮拏攫之而動西峻正如玉京子帖耳任

搏控水村童誇帥戎裝伶效蠻職貢育齋枹停互退縮權轉

競喧闐西峻城窺塞睥睨橋覘踏帶蝮水村步者道駢肩騎

者岸接鞞育齋箔影鬚垂蝦舸采翅團鳳西峻生質美而豔

炫服妖且衆水村仍簪五色符還解九子糝育齋稜梅致鄧

尉脆李壓朱仲西峻鏤薑芼水雞剥蒜和冰鮫水村風俗鬪

華奢那復畏嘲諷育齋孰銜孝女悲誰抱貞臣痛西峻且挂

蒲六幅共倒酒一甕水村

笛漁小橐卷第八

笛漁小橐卷第九

秀水 朱昆田 西峻

抵舍

雨歇黃梅後涼生五月天
歸人同夏至明月到家圓
子職供多闕鄰逋約又愆
一囊如紙薄何事客經年

六月張燈口号二首

聖皇三駕出臨戎
埃火遙傳絕漠空
昨日撻書頒節府
勸將歌舞答神功

料絲五色夾花綾
一片光凝六月冰
貧士惜無釵釧賣
竹棚仍挂去年燈

送水村育齋偕游滇南四首

久為齊東客又問滇南程
為有主人賢不惜
万里行歸裝望

日却別酒朔日傾男兒劇可憐衣食困此生水村多良田隱
業何日成離堂燭屢跋拍翅頭雞鳴

万里塗遙遙所歷盡詩境夜吟筆船聯曉咏筍輿並當其得
意時僮僕亦生敬淫哇一以放險語各相競遙想銀生鄉自
此文雅盛書筒勿我疎竹筍一丈硬

問津檳榔江取路橄欖坡橄欖有正味檳榔消煩疴瘴雲黑
如墨況值黃茅多蠻鄉足魑魅客子慎所過滇女白如雪但
令對酒歌酒闌遣之去勿縱伐性柯

人生七十少尔我已逾半征衣以油爲一歲每一換奈何兩
月中草草論聚散二子偕遠遊互幸得佳伴我窮靡所騁暫
尔守鄉閑手拈永昌碁懷人動長歎

題列子御風圖

珠宮法律勝人間況有信狺豹守關絳闕千尋雖在望何如
拂袖御風還

秋日訪王東巖明府適弄珠樓落成因賦二首

東湖湖水十分清百頃柔波鏡面平曉市魚鰕人語鬧晚汀
燈火夜潮生笙歌叢裏芳樽瀉雲樹光中好句成不是名賢
來主邑此樓安得遂崢嶸

畫闌面瓦豁新愁水色山容四望收九派晴波爭入浦一丸
明月正當樓蛤蜊菰葉紫清夢螭蟹鱸魚作側個切好秋賴有詩
人為地主未妨十日此勾留

題紀山秋林抱琴圖二首

秋花錦石曉雲涼猶有殘荷水面香讀罷好書還獨坐喜無
閒客到湖莊

百衲名琴勝響泉不將瑤軫上朱絃世人盡屬箏琶耳雅調如何肯浪傳

題客子吳船醉吟圖二首

爪皮艇子筍皮篷小泊菱花白鷺叢笑殺東華塵土客鱸魚一箸棄秋風

鸚鵡洲前漲綠波鴛鴦湖畔月明多夜船吹罷玲瓏笛更欲尋君學櫂歌

為紀山題南亭畫

秋林老樹染新霜烏柏通紅鴨脚黃暮見前山亭子好泥君携酒作重陽

當湖李潛夫馬和衷兩孝廉各抱高節邑人請祀鄉校沈客子首倡兩組詩邀和因次其韻

李潛夫確

絃歌無意學陶潛結屋龍湫占翠尖

潛夫自稱龍湫山人

換米有時治竹

簣

先生貧甚每自編竹簣以換米

畏人終日下蘆簾一張榻剩遼東管百箇錢

唾

蜀郡巖此日祠堂增粟主昌菹芳粹酒漿甜

馬和衷嘉楨

賦車兩度壓香藤千佛名經歎未登亂後弟兄同避世

先生兄給諫亦

負隱操

生前粥飯只隨僧高風似此真難及野史無多近可憑

客子採集郡邑先達詩文系以小傳其書將成

細讀新詩想清躅正如六月對寒冰

送元上人游廬山

我昔雲中望五老急呼烟艇渡九江羸車掀簸不可坐數錢
更顧籃輿扛縈紆一迳入濃翠東林古寺晨鐘撞馬耳峰尖
雲滃滃猴溪橋底泉淙淙三笑顏牆黯遺照六朝老樹撐空

腔店旁虎踪大於椀愛山不掩黃昏窓匡廬雖然落吾手真
面未覩心難降花宮五百勞夢寐悔不著屐凌崆嶺上人十
年遍行脚謂我欲識廬山龐鴨頭水綠鴨脚黃宮亭湖面浮
輕艘紅藤七尺拄絕頂青鞵一綉過危矸禪門邇來頗衰歇
縱有文字徒紛唵翁山歸儒澹歸死香林如爾今無雙我才
邾莒小國耳敢埒齊魯稱大邦新詩推與亦太過傑句未免
驚愚蠢投名入社儻相許春頭為我沽村缸

題金聖歎詩牋

鍛冷嵇中散鬚亡謝客兒一牋遺墨在腸斷是朱絲

題鑿微上人折枝蔬果

老圃三蔬錢舜舉幽風七月馬和之未如釋子彌天秀淡著
鉛黃寫折枝

京口阻風二首

輕裝附楚艚，遠役逼歲暮。此行有底急，直以飢寒故。同舟客
未來，半月泊江步。局促短篷中，有若雞在笈。掀掀鼃鼃嬌，洶
洶波濤怒。遙想家中人，謂我已前路。豈知蒜山下，日夕神魂
怖。傷哉游子心，有口向誰訴。

陶有乞食詩，顏有乞米帖。古來賢達人，亦為飢所脅。低心向
親朋，未免口嚅囁。我徒拙治生，終歲行劫劫。天寒風雪緊，波
浪乃輕涉。朝餐箸或停，夜枕夢屢魘。冷披舊征衫，悶理破書
篋。何時足山資，不與人世接。

同十八弟登金山

廿載身為南北客，呼船屢渡揚子江。非徒行役有牽迫，涉險
先已神魂懣。金山咫尺不敢上，但見突兀撐青澗。平生恨事

此其一寸心耿耿何能降揭來沙頭十日住楚舫牢繫枯楊
椿新安大賈久不至船頭猶未支長杠朝來塔鈴送好語似
欲招我凌苔石興來不暇顧性命遂携瘦弟登輕舸須臾停
榜泊山脚老僧揖我言多吮僧旁沙彌健於鳥相引不惜芒
屨雙我來看山非佞佛不用鐘鼓交鐙撻磴高層層踏白石
廊回曲曲開紅窓花宮七級壓巖喋粉亭四面流琤淙呀然
石洞深且黑白日火焰琉璃缸所惜山僧不好事爭結屋宇
遮崆峒惟餘東面露沙土修竹百个攢雞腔妙高臺高徑斗
絕聳身直上酸醜醜坐久春天怒浪作贖泉何必傾罌缸長
風萬里巨鯨吼峭壁千尺洪濤撞中流回顧翠欲滴亭亭如
建蓮花幢

天門

天門屹然峙江水流其中若非帝遣巨靈劈即是大禹治水
施神功不然一峰何為忽中斷斷處鏿削之迹還相同雙崖
壁立各千尺遙遙競長如爭雄千艘晚泊估客擢万鼓夜吼
蛟人宮我昔買輕舸放櫂自皖公牋天乞風天已許飛廉崛
強不肯從微如蟻蝨敢徑請此子狂悖猶盧全是時孟夏正
暄暖打頭三日吹顛風阿香玉女乃其黨急電閃爍雷豐隆
雨師空中亦助力大點颺颺敲烏蓬舵工生硬不解事片帆
斜挂如驚鴻飄翻不可住直至天門東忽逢淺沙閣始覺生
氣融仰看山頂上万丈宛宛垂長虹仙人欲下衆神散恍惚
旄節紛洪濛雲頭漸露星數點水面更浸月一弓山靈與我
舊有分茲焉瞥過何匆匆天門依然翠可挹所恨髣髴同秋

蓬

登石鐘山

兩脚一月不蹋地好山過眼青
慚慚如飢見食不得食涎流
口角心徒饒蓬牕終日但兀坐
憂來意態真同慚用皮襲美語四更
起破拽檣索快風飽送雙高帆
篙工柁師互歌笑蒼鷹脫鞵
馬脫銜算程頃刻已百里遙望
湖口波黯黯石鐘山忽落吾
手先登不用僮扶攬大石躄躄
踞猛虎小石帖帖眠神弇縈
紆一徑盡犖确但有枳棘圍枯
欂女牆攔山去八九止留一
筓高巉崑郭中人家占佳處往
往屋後多松杉茲山得名在
音響何必更論壑與巖邇來世
人好箏笛一聆古奏翻譏讒
后夔伶倫不復作有耳焉得聞
韶咸急呼小艇款山脚訝若
鬼刻神雕劊噌吰鞞鞞亦何有
昔賢毋乃欺愚凡不知我來
值冬仲雨雪早已飛廉蠶江水
落槽湖水縮安得駭浪衝空

嵌蒲萄綠漲理歸楫大樂豈肯終藏緘會須磨屋紀歲月江
波永作青瑤函

舟中不寐聞孤鴈哀鳴有感而作

荻蘆已伐稻已割夜聞孤鴈聲嗷嗷江湖滿地無樂土嗟爾
翅翮徒能高自從塞垣來矰繳幸不遭豈意中途有離散哀
鳴万里求其曹天邊影隻欠點畫箏上柱獨難嗷嘈清宵半
九月皎潔斷楮一片風颼颼方圖此鄉好栖啄不意到處成
荒臯既不若鸚鵡巧言語又不若鴛鴦好羽毛爪無鷹隼利
音乏鷓鴣豪從何得食飽爾腹反讓斥鷃槍蓬蒿客心耿耿
不能寐作詩亦似寒蟲號

馬當山阻風

馬當天下稱至險客子未到魂先怖江山好處心又愛亟問

柁師頭屢頷前時泝流夜過此及至回看但烟霧身雖脫險
心未愜千里猶然寄遐慕我今西歸歲將盡雨雪紛紛氣寒
沍輕舸傍晚發湖口疾如有約渴欲赴小姑朝來髻鬟聳鏡
裏盈盈半身露片帆已掠宮亭祠豈意東風忽狂驚退飛十
里宛似鷓鴣始遇淺沙拋碇住篷敲槳折繩索斷瓶倒甌翻童
僕仆因思死生在呼吸悔不先時買繯瓠衝灣潑岸浪洶洶
直至三朝復三暮船船縛急等連雞安得倏焉同脫兔湖神
有婢曰如願解使風分令客渡同行勸我作詩乞我縱有詩
終不吐自從子安食言後文士定為神所怒酸寒句子何足
取豈肯欣然遣妖嬈西江大估舟十丈笑擁高資泊江步磔
雞醜酒響斯答絕勝微吟達誠素須臾風順船盡開月明直

下江南路

補田婦詞二首

過了清明日漸長先游硤石後曹王紅蠶未浴無此事就近
還燒十廟香

幾日猶吹擷鷄風開裙時見下裳紅怪他年少多輕薄偏笑
兒家鞵未工

為笑亭題黃葉老人詩卷

字如瘦竹枯欲死詩似秋雲淡欲無我願事公如鳥佛六時

常禮倚梧圖

胥山樵画尚友圖凡六人老人倚梧樹聽董宗伯論書貌甚肖

題賈黃州百石圖四十韻

古來畫石者但取傳形模皴法只數家彼此相描摹往往落
窠臼西抹還東塗誰能出新意卓卓超恒區雪堂太守賢治
行冠楚都大薤拔一本清水盛一盃鈴齋寂無事嗜古忘百

須周遭攢竹樹左右羅絃壺書盈鄴侯架画滿將軍厨花開
硯頭餅香炙戟耳爐乃於一歲中寫作百石圖非惟狀貌異
兼之肌理殊墨為陰陽炭筆作造化樞有時舍筆墨其法絕
代無或木皮草根或竹葉花鬚或絲枲果窠興到隨所需經
營出慘澹變化成須臾人工奪天巧遲速自不拘庚庚駭神
助磊磊疑鬼輸有若熊豹踞有若猿狙踞有若牛奮角有若
羊垂胡有若鳳回喙有若龍伸軀有若睡鴻鵠有若翥鷗鵠
有若蹲愁鴟有若栖寒鳥有若芝菌頂有若芙蓉趺有若折
竹筩有若枯松株有若瘦在柳有若瘤生榆有若瓜瓠懸有
若花蕊敷有若飄飄雲有若纍纍珠有若佛髻撐有若仙鬢
扶有若雷斧劈有若神刀屠有若女媧煉有若秦皇驅有若
防風翳有若王莽顛種種秀可愛一一怪自娛往者玉局翁

醉後画石麓一拳兀繭紙旁有竹木枯為貽貧處士索價高
金瑜試以百相較今賈勝昔蘇比聞裝作冊且復名其廬乃
知庶吏心斷不為錢愚

楫堂索題秋林聽泉圖即以四字為韻各賦五言古

詩十六句

皇天分四時最好無如秋楚客雖云悲藉此文章道秋山葉
微脫秋水潦乍收葉脫山可履潦收水可舟翛然成獨往高
懷緬前修朝與雲俱興暮與鳥共投回看九陌中平地多摧
輶所以澹蕩人甘作寂寞遊

一徑細窈窕泂溪入中林林中縛香茆結亭當清陰情超無
近迹境勝必遠尋藤蘿互纏絡樹石相凌侵巖瀉危瀑跳
珠濺衣襟泠泠聞風松如奏羲皇琴淨洗箏笛耳聆此太古

音於焉哦新詩豈作鄭衛淫

詩人性愛山雲壑寄幽興選山得勝地人復能濟勝策策踏
黃葉遍歷澗黝徑瘦藤不用扶下上凌翠磴林深日景微岩
逼泉聲應紅塵飛不到水石清眺聽支鎗燒墮巢茶熟酌花
定何當從君遊頑懶藉砭訂

可翁画詩書直逼玉局仙趨庭有令子才亦如斜川千秋雪
堂中文采相後先憶昨經黃州船泊赤壁前肩輿忽過訪一
笑齒粲然所嗟挂帆速未得長周旋茲來索我詩遠寄羅紋
牋画圖但想像會合知何年

題竹林書屋冊

竹林屋數間經歲無客至中有白髮人能說前朝事

題碧川竹塢攤書圖

習氣知君尚未除竹間猶自晝攤書誰於十丈紅塵裏肯憶
江南半畝居

鄰犬

主人昔未貧來住客如織咄嗟具盤餐不復計省嗇童僕飽
有餘歲汁棄溝洫其時有鄰犬搖尾來趨食主人憐其飢呼
蹴無不即出入庖廚間徘徊几案側夜吠繞垣牆午眠帖闥
闕迎門攔乞兒踞竇拒竊賊儼然等家犬舊主那復憶歲月
忽屢更人事難忖測主人一朝貧有突不得黑掉頭從此去
眨眼若不識磨牙欲反噬聞者為惕息君看翟公門野雀可
羅弋客去惟恐遲轉盼忘大德彼人而且然此犬何足責

怪鴟

荒林有怪鴟寄養於鳳皇鳳實覆翼之日夕還相將栖梧食

竹實噉噉鳴高岡百鳥時來朝鷓亦蹲其旁託身既得所復
與鷓頡頏九苞下千仞為爾增輝光豈期鳳德衰去去岐山
陽鷓恃毛羽豐都邑巧自蔽雨昏月黑時叫跳勢遂張呼朋
引黨類白日同披猖嗉闊食腸寬直欲空太倉鷹隼不之擊
恐與鳳有傷不知鷓得志為惠久已忘且見鷓苦飢翼搨頭
搶佯翻然相決絕可笑不自量鷓鷓豈相耦感慨成此章

笛漁小橐卷第九

笛漁小橐卷第十

秀水 朱昆田 西峻

以武夷茶餉穗園穗園以葛粉見答因賦長句

我贈君以紅雲雀舌之茶君報我以黃海葛花之麪茶香溪
口初搗焙麪細山中久澄練茶無一撮麪百龠以少易多驛
我面枕榔為糝蕨為粉落落隴喉曾飽嚙葛花消酒素所惜
此外功能少聞見急翻本草考藥性解躁除煩効如箭我今
半歲疾未已鬱火燒心頭目眩連抄數匙白於雪喚婦煮湯
調以薦沈疴不覺頓然釋手脚俄焉輕可旋所惜如蠶酒戶
窄未克從君夜談讌君飲一石亦不醉鹿藿為糜原不羨

葛一名鹿藿為
鹿食九草之一

惟當箬葉裹新茶白日相期作茗戰

本

送補山赴楚幕

楚鄉雖是舊游地地主誰如昔日賢暑雨共傾梅會酒秋風
獨放洞庭船壇場久已推前輩筆墨何堪事少年同學惟君
猶愛我病中惜別淚潸然

碧川以芥茶見貽走筆賦謝

我病久不差半載墮悶景婆娑小室中惟有形共影邇來勢
少減瘦鶴一伸頸昨者吳興翁篳葉裏峴茗云此品劇佳採
自廟後嶺其氣郁於蘭直壓洞山頂方兄久絕交有價不敢
請携籠聽之去殊覺心耿耿碧川於我厚一月承屢省知我
性嗜之雙包纏素縑作書遣長鬚兩脚踏泥濘打門忽見貽
豐惠再拜領我聞明月峽直接陽羨境界居兩山介羅氏名
獨炳西菴近夕陽十里平甍離披向南藝不復分畦町其
地最高寒飽受風露冷摘當春夏交蒸焙法井井較之雨前

芽標格尤清迥吳越種雖多得此皆可屏急喚了髻童穩支
折脚鼎連朝送梅雨瓦溝瀉若縷盛之滿瓮盞盞取入瓠觀
火活湯再沸煎點在俄頃龔壺與時洗一一羅器皿香清色
似雪為味甘且永不惟驅昏邪實可解煩惱因笑唐宋人紛
紛貴團餅研須倚石臼打或藉銀梗盧歐梅蘇黃詩句頗雄
騁於百年來衆作等蛙黽誰能追古人敢以奇自逞君才
健如虎臨敵氣愈猛力疾為致師筆陣欠嚴整

盆蘭忽放同心並蒂二花各賦一律

同心

一雙玉女鬪嬋娟素質亭亭看比肩蝴蝶作團停葉底蜻蜓
相戴立風前宵幃共縮鴛鴦結曉鏡齊拈翡翠鈿好與吳娘
新髻樣不須依舊學秋蟬

並蒂

弱翰同心已足誇
又看並蒂發瓊葩
水妃共踏承雲鞮
宮女爭勻襯臉霞
丹竈紅休憐一線珠
江碧漫詫雙丫

閩之龜山產一線紅有花對節

粵之蘭一莖上兩花皆貴種也

惟應插上麻姑髻
絕勝仙家綠玉花

余詠蘭二律同人
和者甚衆聚緱謂
與奇花寫照以
不用仙姝美女
草木禽魚蟲豸
相比者為高因
再各賦一律

同心

蘭譜曾誇大小張
分來好種自金漳
八花尾簇玲瓏玉
雙素英飛醜馥香
曉露引蜂珠並綴
午風送蝶夢俱長
狂思折贈傾城客
挂在珊瑚却月梁

並蒂

笑他花史說吳潘似此駢頭画亦難
雨後並開香細細月中同立影姍姍
為雲只恐雙飛去倚柱還容盡日看
若使一年抽一箭也應喚作我家蘭

宋朱會判家所種蘭人至今呼為朱蘭

題三緘齋

宰相惟堪啗飯耳此語於臣信有之
刺舌引錐終不戒始知緘口是良師

三咏同心蘭

莫是蘭芝與蕙芳羨他交頸學鴛鴦
黃輕似剪同功繭紫淺疑熏百結香
吟處傷心追楚客分來纖手想閩娘
神光離合魂俱斷玉體橫陳夜未央

並蒂蘭

國香兩兩試精神似欲雙栖共一身
互惜好丰姿綽約交憐

真骨象停勻，凌風冉冉扶紅索。按舞翩翩踏翠茵，待覓畫師來寫照。障中長作比肩人。

醜舫老梧為大風所摧，枝葉零落感而賦此。

前年七月中，暴風飛大屋，百萬羊角旋并一。以為酷連朝，勢不已，直欲翻地軸。折我青桐柯，有若僧頂禿。西齋夏日長，恨失半牕綠。炎威不可支，補種數竿竹。青桐兩年來，稍稍生意復。露香華黯淡，翠挺枝矗肅。攢攢蓮花簪，著子多於菽。清陰漸如舊，瀟洒過三伏。我負少長物，空室類枵腹。惟緣此樹高，市近居不俗。竟日陳縹緗，無心羨梁肉。神豈或忌之，飛廉復肆毒。立秋已逾旬，無奈暑猶溽。東風似虎狂，一吼怒一蓄。近憂田禾眠，遠恐海浪蹴。海昌潮水噴壚方在修築我聞廟堂上，辛苦調玉燭。如何太平年，生理反局促。但謂當不鳴，條曷意屢拔。木青桐枝

又摧擗拾餘十束苔中婦青瑣竈底煨碧玉攤書與乍滅繞
樹頰頻顛懼為螻蟻穴難託鳳皇宿邇來天道變淫善錯禍
福裁者培不先傾者覆不速為木惟凡材造物斯樂育試看
舍東偏張王惟老穀

用東坡語

穗園以白石榴花索詩戲賦一律

其花七月中方開

石家阿措愛新涼又試風前別樣妝不使紅裙妒顏色只和
秋月鬪容光房黏粉蝶翎無影蕊蹴黃蜂足有香好與玉妃
為侍從珠宮舞遍白霓裳

病後自遣用水村韻

酖酒如何恣意嘗狂泉不飲我非狂貧尋田父祖農具病與
醫翁試藥方浮世豈堪愁是壘餘生合以醉為鄉耳中鈴鼓
喧闐甚一笑村伶正作場

題畫二首

就樹當坡縛艸亭
泉春白石響泠泠
斜陽已閃寒鴉背
冷徑從無熱客經

米家画法出新意
黑樹濃雲藉闢山
畢竟毫端有書卷
文人例不數荆關

寄調潛竹納姬三首

千絲舉網得西施
八牖清宵一舸馳
人月嬋娟秋乍半
知君不負已涼時

遠遠春山淺淺霞
北支南黛少容華
香奩有句吟須穩
高擁黃紬放早衙

金縷翻成付玉人
綠牕昵昵學鶯脣
從今對客能吳語
不讓風流賀季真

小池水深荷花至秋始盛賦此志感

池水半篙綠荷花秋始開
雨收殘暑去風送暗香來
有恨紅衣斂無言翠蓋迴
後時君莫笑物理細應推

寄樊涇

客裏偏多病愁中定有詩
故人頻入夢吾道久堪悲
藥裹拋來未淮漕放莫遲
舊交零落盡待尔慰相思

自適

背市柴門靜蕭然二畝餘
但看貧士傳不報熱官書
留客教蒸鴨呼兒學釣魚
閒來無一事高枕覓華胥

閉門和碧川韻

六枳為籬裹釣家一竿閒
占白鷗沙儘容梧下稱高士
何必關前犯夜叉
老我魚舟無一葉笑他馬鬣剪三花
縱經風雨

園林靜不似紅塵九陌諱

碧川疊前韻見贈走筆奉答

小長蘆畔是吾家怕見黃沙見白沙但使荒田租一稜不須
古路問三叉數竿趁雨移新竹幾樹連墩種好花欲買湖莊
号魚計知君心已厭紛諱

水村近詩手筆高妙願猶深賞拙作此則歎芟之嗜
也病後無聊撫今追昔感慨以之因成五言古詩
三十韻題倚晴閣新稿之後

君才逐年增我才逐年減相逢出亂臺彼此互披覽一如食
蟻蚋一如食橄欖螫空齒徒嚼漿美頭屢領君詩風格老先
氣不可揜和能平人心險可破鬼膽忠臣千載魂有作靈亦
感

湖城張睢陽廟極靈應水村去歲過錫歸而神顯入夢意在
索詩水村因賦五古一首酬酒以杖之其夢遂息具異事也

五言句尤超往

往到平淡鮮雲媚松柏初日明茁茁試看造語工并識用意
慘我詩十載前遇敵頗剛敢謂柱怒可折謂山勇可撼謂鯨
牙可拔謂虎鬚可攬豈知數多奇舉足皆陷窻傾心甫盟歎
背面已顛顛擠排出死力為計刻以憎剪翎鳥入籠破頷魚
投糝自此辭名場不復肆燒闕荒山東走齊亂石南泝贛竹
轎穿恓惶紙船凌黯淡邇來貧且病意欲老葭蕩囊無繫蠟
絲厨絕聚蠅糝髮白光比銀衫青翠於縑心思漸枯槁顏貌
亦黧黧隨農架短犁逐圃抱長鑿偶為勞者歌無意登版槧
君如富家兒酒肉恣飲噉胡然變嗜好有取菖蒲歎蟬聯語
不已街鼓聲統統作詩附君橐為我奔箱箠

小園散步

閒拖竹杖到南垞雨後新涼透薄紗莫怪小園秋太澹牽牛

新引一籬花

晉民碧川過訪留飲小齋晉民有詩紀事即次原韻
年來抱疾苦中乾那得西山藥一丸舊雨有情深眷眷新愁
入骨瘦藥藥貧如能設三升酒夢不尋思十段官好趁尊鱸
成小社從今肯負釣魚竿

疊前韻索碧川和

征衫幾見淚痕乾日月驅人似迸丸好友于今半零落故園
難得小園藥多愁似我還多病得句如君勝得官以蚓投魚
新有計笑拈霜管當文竿

陳蘭齋詩書生得句如得
官以蚓投魚用北史語

秋日偶成

倦鳥無心更刷翎千莖髮白一衫青閉門顛作村夫子閒向
兒童說孝經

立春日病體少蘇偶賦二律

小牕依竹樹一片射朝暎鳥悅風前性花歸凍後魂瘦肌知
節換敗絮覺春溫生意吾猶足非關啗草根

七旬眠食廢筋骨似烟輕直可騎黃鶴翩然遡紫清松根丹
竈冷洞口藥苗榮為有高堂在還須戀此生

笑亭以巨鯽二尾見贈口占奉謝

一雙健鯽柳條穿味勝槎頭縮項鱸惟有笑亭真愛我臨溪
買送不論錢

羅浮蝴蝶歌

我曾南游南海披圖經朱明之洞恨未探幽扃一寸二寸花
開菖蒲節千个万个竹篆蚪斗形巡山啞虎履尾亦不啞修
蛇毒蠆焉敢來栖停惟聞青羊黃麟雪花鹿寶衢雲術往淫

逢真靈更有碧雞五距雀五色千年老鶴彈舌音泠泠麻姑
釀酒昏盡東海水書邀王母晝下扶珠轔雲璫霞珮冉冉衆
仙集九靈之簫一奏羣山青花前爛醉不復顧禮法拍肩挹
袂彼此相撩袿烟裙霧袖一笑看盡裂化為蝴蝶百万飛玲
嶸蓬萊左肱上有田七畝亂抽紫芝黃獨蔓朮苓紛紛飲香
吸露嚼瓊蕊一一黏枝裹葉懸金鈴五羊城邊昔遇梁太史
喜獲一雙之繭浮歸舸蠻江春風未滿五十日雌雄並出光
射船窓櫺惜無入神好手為圖画但見珠娘織錦梭瓏玲垂
虹亭長昨歲客嶺表石樓千仞直上追飛艇白藤笈中亦携
鳳皇子遠分一繭燦燦同華星挂之紅羅複帳近端午謂已
乾死有若囊中螢朝來忽聞款款破繭出仰眠牀上不覺神
魂醒陸離光怪更異昔所見縱有孔雀局縮羞開屏張如東

洋摺疊翡翠扇掠如古洞撲鹿蝙蝠翎綠毛倒挂無此好顏色而況金花蟲子紅蜻蜓何當粵客歲致繭百斛一花一蝶遶我香茅亭

晉民見和羅浮蝴蝶長歌一篇遠勝拙作因取前詩未盡之意再成一歌

詩人手襍烏絲牋牋書細字如蠶眠長歌和我蝴蝶句笑看筆勢何翩翩此地離仙山迢迢五千里豈意黃梅天破繭忽飛起吳儂對此喜欲狂前詩未悉請再詳春風一吹洞門暖花間百萬爭飛揚山中之人云是葛翁麻姑衣所化天生瑰異非尋常顏色羞雷同各各矜文章即如此蝶極奇麗六足四翅頭昂昂鬚如鬢金蕤腹如古錦囊綠如遠山橫秀黛赤如初日升扶桑黑如黝山萬年松烟色抹漆白如秦臺一轉

丹粉光凝霜瑩如洋玻璃駁如番瑪瑙閃如紫毛毯艷如金
光草活剥瑤瑁甲生割孔雀屏亂粹錦雞翅細簇翡翠翎九
張機五色線六銖衣七華扇頃刻容光看百變紛飛飛尋仙
常繞白玉扉伏怙怙作繭齊黏烏桕葉一年一度韶華轉空
有神蛾來抱繭此蝶雖飛啄抱成伴我衾枕久始生衆中文
采有如此不枉人呼鳳皇子江南雖好非尔家可憐飄泊天
之涯黃葵花已盡豈忍仍籠加石樓鐵橋山遠水更遠崎嶇
風浪焉能返我聞句曲已字山下有華陽洞洞中一徑直通
朱明曜真之仙關仙人來往於其間蝴蝶蝴蝶放尔從此還
沈香薰爾像色絲繡尔顏生綃圖尔形渲染黃朱斑滕王榻
本大小海眼皆可刪未許輕狂野蝶夸妖嬾

題雪夜問酒圖二首

從古詩人多愛雪只於冷境託閒情前村已熟菰紫酒肯向
笙歌鬧處行

我居村北子村南來往籬根小徑三試脫銀貂多換酒老梅
蒼底恣同酣

題陸平仲小照二首

弟兄共住三間屋家業惟存一笥書莫怪衣冠皆古樣只因
牛馬半襟裾

趨時不作繇華夢避俗常携冰雪文試看如瓜有仙骨清齋
好事玉晨君

如瓜骨出
人倫書

笛漁小橐卷第十

